

Evening Dogri News Bulletin, 12 July 2024

इवनिंग डोगरी न्यूज़ बुलेटिन

समे-18:15 Hrs

Headlines

- 1 भारती चुनांs आयोग नै जम्मू-कश्मीर च जारी मतदाता सूचिएं दी नजरसानी सरबन्धी प्रक्रिया दी व्यापक समीक्षा कीती।
- 2 नीट पेपर लीक मामले च च'ऊं लोकें गी सीबीआई रिमांड दे मगरा पटना दी बेउर जेल च भेजी दिता ऐ।
- 3 भारत ते भूटान पर्यावरण ते जलवायु परिवर्तन दे खेतर च किट्ठे रलियै कम्म करने लेई राजी होई गे'न।
- 4 रामबन जिले दे एसएसपी होरें दस्सेया ऐ जे श्री अमरनाथ जी दी जातरा गी बवस्था आहले ढंग्गै सिर चलाने लेई जम्मू-कश्मीर पुलस, होरनें सुरक्षा एजेंसिएं कन्ने रलियै कम्म करा'रदी ऐ।

<><><><><><>

ECI-SSR Meet

भारती चुनां आोग नै जम्मू-कश्मीर च जारी मतदाता सूचिएं दी दूई विशेष नजरसानी सरबन्धी प्रक्रिया दी कल व्यापक समीक्षा कीती। आकाशवाणी दे जम्मू संवाददाता दी रिपोर्ट मुजब कल वीडियो कांफ्रेंस दे राहें जम्मू-कश्मीर दे सब्बनें जिला चुनां अफसरें दी बैठक दरान इस प्रक्रिया दा जायजा लैता। अयोग नै जंदी 21 जून गी जम्मू-कश्मीर दे कन्नोकन्नी हरियाणा, झारखंड ते महाराष्ट्र च मतदाता सूचिएं दी खास नजरसानी दा हकम जारी कीता हा ते एहदे कन्ने इनें राज्यें ते प्रदेशें च असैम्बली चुनाएं लेई प्रक्रिया दी बत पदरी होई गई ही। बैठक दरान इस प्रक्रिया कन्ने जुड़े दे बक्ख-बक्ख कम्में ते पैहलुएं पर चर्चा कीती गई। जम्मू-कश्मीर दे मुख्ख चुनां अधिकारी पी.के पोले ते होरनें सीनियर ऐहलकारें बी इस बैठका च हिस्सा लैता। देसै दी सर्वोच्च अदालतें जंदे बरे दिसंबर म्हीने जम्मू-कश्मीर च असैम्बली दे चुनाएं दी प्रक्रिया सबूरी करने लेई चुनां आयोग आस्तै 30 सितंबर 2024 दी समें-सीमा मुकरर कीती ही। प्रदेश च मतदाता सूचिएं दा संगठित मसौदा 25 जुलाई गी प्रकाशित कीता जाग ते लोक अपने दावे ते ऐतराज 25 जुलाई थवां 9 अगस्त तगर दाखल करी सकदे न।

<><><><><><>

NEET-CBI

नीट पेपर लीक मामले च हजारी बाग दे ओसिस स्कूल दे प्रिंसीपल सने चार लोकें गी सी.बी.आई दी रिमांड पूरी होने दे मगरा पटना दी बेउर जेल च भेजी दिता ऐ। सीबीआई नै इनेंगी हजारीबाग थमां नीट पेपर लीक मामले च 28 जून गी हिरासत च लैता हा। उनेंगी पुच्छ-गिच्छ आस्तै दिल्ली दे सीबीआई मुख्यालय च आंदा गेआ ऐ। प्रिंसीपल हजारीबाग स्कूल दा कोआर्डिनेटर हा ते वाइस प्रिंसीपल स्कूल दे सेंटर दा सुप्रिंटेंडेंट हा। जांच दौरान पता लग्गा ऐ जे पटना दे खेमनीचक प्ले स्कूल थमां जब्त कीता गेदा इक आंशिक रूप कन्ने सड़े दा प्रश्न पत्र एनटीए थमां हासल प्रश्न पत्र कन्ने मेल खंदा ऐ ते प्रश्न पत्र गी हजारीबाग दे कल्लू चौक दे ओएसिस स्कूल दे परीक्षा केंद्र च भेजेया गेआ हा।

<><><><><><>

India-Bhutan

भारत ते भूटान बक्ख-बक्ख खेतरे च किट्ठे रलिये कम्म करने लेई राजी होई गेन। इनें खेतरे च जलवायु परिवर्तन, ब्हाऊ दी गुणवत्ता, जंगलात, जंगली जीएं-जैतुएं दे प्रबंधन ते पर्यावरण ते जलवायु परिवर्तन दे खेतर च समर्थ निर्माण मुख्ख तौर पर शामिल न। भूटान थमां उर्जा ते कुदरती संसाधनें दे मंत्री जेम शेरिंग हूंदी अगुवाई आले इक डेलीगेशन पर्यावरण, जंगलात ते जलवायु परिवर्तन दे केंद्री राज्यमंत्री कीर्ति वर्धन सिंह हूंदे कन्ने नमीं दिल्ली च मलाटी कीती। सिंह होंरे भारत दी वैश्विक पैहलकदमी-शेरें सरबन्धी अंतरराष्ट्री गठबन्धन कन्ने जुड़ने लेई भूटान दे मंत्री हून्दा धन्नवाद कीता। उनें आखेआ जे दौनें मुख्ख इक्के नेय भूगोल ते पर्यावरण तंत्र दे कन्नो-कन्नी लोकतांत्रिक कदरां बी सांझियां करदे न। उनें आखेआ जे जलवायु परिवर्तन दौनें मुख्खे लेई सांझी चैता दा विशे ऐ। शेरिंग होंरे दस्सेया जे भूटान पैहले थमां गै बड़े घट्ट कार्बन उत्सर्जन आला मुख्ख ऐ ते उर्जा सरबन्धी अपनी मती सारी जरूरतां ओह पनबिजली थमां पूरियां करदा ऐ।

<><><><><><>

Agniveer-Reservation

केंद्री बल साबका अग्निवीरे आस्तै 10 फीसद आरक्षण लागू करोग। अग्निवीर योजना पर बैहस दे चलदे केंद्री बले घोषणा कीती ऐ जे ओह साबका अग्निवीरे आस्तै 10 फीसद आरक्षण लागू करोग। सीमा सुरक्षा बल, केंद्री औद्योगिक सुरक्षा बल ते सशस्त्र बल ते सशस्त्र सीमा बले दे प्रमुख्खे आखेआ ऐ जे साबका अग्निवीरे दी उम्री च छूट होग ते उंदे आस्तै कोई बी शारीरिक जांच सरबन्धी परीक्षा बी नेई होग। सी.आई.एस.एफ दी महानिदेशक नीना सिंह होंरे आखेआ ऐ जे गृह मंत्रालय नै साबका अग्निवीरे दी भर्ती सरबन्धी इक बड्डी गे पुट्टी ऐ।

<><><><><><>

Niti Aayog Reasi

नीति आयोग दे सम्पूर्णता अभियान तैहत सेहत मैहकमे नै रियासी जिले दे ठाकराकोट लाहके च मेडिकल जांच शिविर दा आयोजन कीता गेआ। मेडिकल कैंप च नवजात बच्चें दा टीकाकरण, गर्भवती महिलाएं दी सेहत जांच ते ब्लड प्रेशर दी जांच मुफ्त कीती गई। सेहत मैहकमे नै बड्डले 10 बजे शां दपैहरी 3 बजे तगर मुफ्त सेहत शिविर दा आयोजन कीता ते लोकें गी बमारिये थमां बचने लेई जागरूकता पैम्प्लेट्स बी बंडडे। एहदे अलावा उनेंगी सेहतमंद खाने दे नुस्खे बारै बी दस्सेया। रियासी जिले दे जिला विकास कमिशनर विशेष महाजन होंरे आकाशवाणी कन्ने गल्ल करदे होई आखेआ।

<><><><><><>

Khawas-Rajouri

राजौरी जिले दे ख्वास ब्लाक गी सम्पूर्णता अभियान दे तैहत चुनेया गेदा ऐ ते इनें दिनें इस ब्लॉक च तरक्कीयाती कम्मं गी बड्भू तेजिया कन्ने तोढ़ चाढ़ेआ जा करदा ऐ। मकामी लोकें दा गलाना ऐ जे उनेंगी इस गल्ले दी बड्डी मती खुशी ऐ जे उद्वे ब्लॉक गी सम्पूर्णता अभियान तैहत चुनेया गेआ ऐ ते हून उत्थे तेजी कन्ने विकास कम्म होआ करदे न। आकाशवाणी कन्ने गल्लबात च इक मकामी बसनीक नै गलाया।

<><><><><><>

Amarnath Yatra-SSP Ramban

28 जून थमां शुरू होई दी श्री अमरनाथ जात्रा 2024 जेहड़ी रामबन जिले चा बवस्था आहले ढंगे सिर चला रदी ऐ, दे मददेनजर रामबन दे एसएसपी अनुज कुमार होरें जानकारी दिती ऐ जे जम्मू-कश्मीर पुलस आस्सेआ इस जात्रा लेई त्री स्तरीय सुरक्षा दे सख्त बंदोबस्त कीते गेदे न। सम्भव ऐ ते पूरे जिले च तीर्थ यात्रियें दी सुरक्षा लेई फौज, सीआरपीएफ ते होरनें सुरक्षा एजेंसियां बी तैनात कीतियां गेदियं न। उनें अगगे आखेआ।

<><><><><><>

Amarnath Yatra

जंदी 29 जून गी शुरू होई दी श्री अमरनाथ जी दी जात्रा दे पिच्छले 13एं दिनें दरान श्रद्धालुएं दी गिनतरी च बड़ा मता बाददा दिखने गी लब्बा ऐ। इस बारै च आकाशवाणी कन्ने गल्ल करदे होई जम्मू दे डिपटी कमिशनर सचिन कुमार वैश्य होरें आखेआ जे अमरनाथ श्रद्धालुएं दी खरी मती गिनतरी गी ध्याना च रक्खदे होई सुविधाएं च बी बाददा कीता गेआ ऐ। उनें गलाया जे भामें पंजीकरण, के.वाई.सी यां आर.एफ.आई.डी सने बिजली-पानी वगैरा ज्नेई सुविधाएं दी गल्ल होऐ, इंदे सब्बनें च खरा मता बाददा यकीनी बनाया गेदा ऐ। उनें आखेआ।

<><><><><><>

Principal-Secy.

राई-बाई मैहकमे दे मुख सचिव शैलेंद्र कुमार होरें अज्ज राई-बाई मैहकमे दा विकास परियोजना तैहत चला दे कम्मै दा जायजा लैने आस्तै इक बैठक दी अध्यक्षता कीती। जम्मू दे पशुपालन मैहकमे दे ड्रैक्टर, जम्मू दे फ्रोजन सेमन बैंक दे मैनेजर, पशुपालन मैहकमे दे मुख अधिकारियें ते सरबंधत अफसर बैठक च मौजूद हे। अफसरें गी संबोधित करदे होई मुख सचिव होरें पूरे खेतर दे ग्रामीण आजीविका गी बदाने आस्तै डेयरी ते पोल्टरी खेतर दे विकास गी बढ़ावा देने लेई इनें परियोजनाएं दे महत्व पर जोर भरेया।

<><><><><><>

Jammu Search Operation

जम्मू जिले दे बन्ने कन्ने लगदे लाहकें च सुरक्षाबलें किश संदिग्ध गतिविधियां होने दे मगरा तपाशी अभियान शुरू कीता। सुरक्षा बलें बन्ने कन्ने लगदे लाहकें च रौहने आहले लोकें गी आखेआ ऐ जे लाहके च किश बी हल चल होंदी ऐ ते ओहदी जानकारी तौले शां तौले असेंगी देन। एह सांझा तपाशी अभियान सेना, पुलस ते केंद्री रिजर्व पुलस बल आस्सेआ अखनूर बाई दे चनाह कन्ने लगदे लाहकें गुड़ा पत्तन ते काना चक्क च चला गेआ। एह तपाशी अभियान उसलै रम्भेआ गेआ जिसलै किश लोकें पुलस गी त्रुं लोकें दी संदिग्ध गतिविधि बारे दस्सेया। सुरक्षा बलें इनें लाहकें दे राईबाई आहले खेतरें ते ग्राएं च तपाशी अभियान चलाया। अभियान अजे जारी ऐ ते होर ब्यौरै गी बलगेआ जा रदा ऐ।

<><><><><><>

Health-Deptt. Poonch

गले च होने आली Diphtheria नां दी बमारी दा मुकाबला करने लेई इक महत्वपूर्ण गेंह पुट्टदे होई पुंछ दे सेहत मैहकमे नै इक व्यापक अभियान रम्भ कीता ऐ जेदे दायरे हेठ 6 म्हीनें शा लेइयै 5एं बरें तगर दी उमी दे तकरीबन 68 जहार बच्चें गी आंदा जाग। दऊं म्हीनें तगर चलने आले इस अभियान दा मकसद इस जानलेवा बमारी थमां बच्चें दी सुरक्षा यकीनी बनाना ऐ। पुंछ दे मुख मेडिकल अफसर डॉक्टर जुल्फिकार होरें इस सरबंधे च आकाशवाणी कन्ने खास गल्लबात करदे होई दस्सेया।

<><><><><><>

SC-Kejriwal Bail

सुप्रीम कोर्ट नै अज्ज दिल्ली दे मुखमंत्री ते आम आदमी पार्टी दे राष्ट्रीय कन्वीनर अरविंद केजरीवाल गी कथित शराब नीति घोटाले कन्ने जुड़े दे काले धनै गी जायज बनाने आहले मामले च अंतरिम जमानत देई दिती ऐ। न्यायाधीश संजीव खन्ना ते दीपांकर दत्ता दी पीठ नै निदेशालय आस्सेआ गिरफ्तारी गी चुनौती देने आहली दिल्ली दे मुखमंत्री दी याचिका गी बड्डी पीठ गी भेजी दिता ऐ। उआं अरविंद केजरीवाल अजे हिरासत च रौहडन कीजे सीबीआई नै कथित शराब नीति घोटाले मामले च गै भ्रष्टाचार निरोध कनून दे तैहत उनेंगी पिच्छले म्हीने 25 जून गी गिरफ्तार कीता हा।

<><><><><><>